



Sa panahon ng COVID-19, panatilihin ang iyong anak sa bahay kung...

...mayroon silang alinman sa mga sintomas na ito:



- lagnat (temperaturang 100.4 °F o mas mataas)
- pag-ubo
- pangangapos ng hininga o hirap sa paghinga
- pangiginig
- pananakit ng kalamnan
- sakit ng ulo
- tumutulong sipon o barado ang ilong
- namamagang lalamunan
- pagtatae
- pagsusuka
- bagong kawalan ng panlasa o pang-amoy
- o iba pang mga palatandaan ng bagong sakit na walang kaugnayan sa dati nang kondisyon (tulad ng mga pana-panahong alerdyi)

Ang pagpapanatili ng mga anak sa bahay ay makakatulong na maiwasan ang pagkalat ng sakit sa pangangalaga ng bata o programa ng maagang pag-aaral.

Ipasuri ang iyong anak para sa COVID-19

Kung ang iyong anak ay may alinman sa mga sintomas sa itaas, **kahit na ang mga sintomas ay banayad**, kailangan silang masuri para sa COVID-19 bago sila makabalik sa pangangalaga ng bata.

Ang King County ay ineendorso ang anumang aprubado ng FDA na pagsusuri ng COVID-19. Mayroong dalawang kategorya ng mga pagsusuri sa COVID-19 na inaprubahan ng FDA para sa pagtuklas ng COVID-19.

Ang iyong tagapagbigay ng pangangalaga sa bata ay maaaring may patakaran para sa dokumentasyon ng isang negatibong resulta ng COVID-19 bago bumalik sa pangangalaga ng bata. Mangyaring alamin muna sa kanila bago pumili kung alinmang pagsusuri sa COVID-19 ang gagamitin.

Para sa karagdagang impormasyon tungkol sa mga inaprubahan ng FDA na mga pagsusuri ng COVID-19, at listahan ng mga libreng lugar ng pagsusuri (testing sites), bisitahin [kingcounty.gov/covid/sites].

I-scan ang QR code para sa mga listahan ng mga lugar ng pagsusuri (testing sites):



Kung ang iyong anak ay hindi naging malapit na kasalamuha ng isang taong may COVID-19, maaari silang bumalik sa programa ng pangangalaga sa bata pagkatapos magkaroon ng mga sintomas ng COVID-19 kung sila ay



Negatibo sa pagsusuri para sa COVID-19 at ito ay:

- hindi bababa sa 24 na oras mula nang gumaling ang lagnat (na hindi gumamit ng gamot na pampababa ng lagnat)
- AT ang mga sintomas ay makabuluhang bumuti
- AT ang pamilya ay magbibigay ng dokumentasyon ng negatibong resulta ng pagsusuri sa programa ng pangangalaga sa bata

Hindi nagpasuri para sa COVID-19 at ito ay:

- 10 araw mula nang magsimula ang mga sintomas
- AT hindi bababa sa 24 na oras mula nang gumaling ang lagnat (nang hindi gumamit ng gamot na pampababa ng lagnat)
- AT ang mga sintomas ay makabuluhang bumuti

Positibo sa pagsusuri para sa COVID-19 at ito ay:

- 10 araw mula nang magsimula ang mga sintomas
- AT hindi bababa sa 24 na oras mula nang gumaling ang lagnat (nang hindi gumamit ng gamot na pampababa ng lagnat)
- AT ang mga sintomas ay makabuluhang bumuti

Mangyaring abisuhan ang pangangalaga ng bata o programa ng maagang pag-aaral sa lalong madaling panahon kung ang iyong anak ay nagpositibo para sa COVID-19.